



LECTORI BENEVOLO

S. P. D.

ADAM RECHENBERG.

CUm artis maximæ rectique
judicii res sit, historiam pru-
denter, & juxta leges morem-
que veterum Romanorum
aut Græcorum scribere; ad-
paret hiuc muneri obeundo idoneos,
nonnisi viros esse, qui prudentia in judi-
cando, fide in exponendo, solertia in tra-
ctando & dicendi facultate in scribendo
maxime polleant. Inter hos citra adula-
tionis vitium, a quo alienus semper fui,
refero *Peiferum*, Lipsiensis historiæ con-
ditorem gravissimum. Qui, ut observa-
tione rerum acutus, judicio solers, pru-
dentia copiosus, fide & probitate insi-
gnis, stylo gravis plane & floridissimus
scriptor; ita omnia, quæ in urbis historia
condenda requiri alias solent, abunde
præstitit. *Primo* Lipsiæ nostræ natales

) (5

ex